



CINBIO ORGANIZA UN ENCONTRO ANUAL PARA DIVULGAR OS AVANCES CIENTÍFICOS E PREMIAR A EXCELENCIA

O Cinbio organiza por primeira vez dende a súa posta en marcha un encontro anual para dar a coñecer o labor investigador que se desenvolve neste centro e, ao mesmo tempo, para xerar coñecemento e relacións entre os diferentes grupos que o conforman. “A idea é ter un día case de festa, de encontro con todo o persoal do centro, para tamén dar a coñecer os maiores avances, recoñecer as e os mellores investigadores e premiar o artigo científico con maior índice de impacto do ano” asinado por persoal do Cinbio, explica a directora África González. [+info.](#)



Foto gañadora do certame, de Ana García.

IMAXES QUE RACHAN COS ESTEREOTIPOS DE XÉNERO NA ENXEÑARÍA DE MINAS E DA ENERXÍA

A fenda de xénero nas titulacións universitarias é unha das caras máis visibles da desigualdade, con escasa presenza de mulleres nas titulacións técnicas e graos relacionados coa saúde e os coidados totalmente feminizados. A Escola de Enxeñaría de Minas e Enerxía da Universidade de Vigo trata de rachar cos estereotipos asociados coas enxeñarías en diferentes actividades e propostas, unha delas é concurso de fotografía MULLE.Rme para dar visibilidade ao sexo feminino nas profesións técnicas como as relacionadas coa enxeñaría de minas e enerxía. [+info.](#)



Um 8M tinguido de vermello e lila.

UN 8M TINGUIDO DE VERMELLO E LILA

“Sangro cada mes para que a humanidade sexa posible. O meu útero é unha fonte de vida para a nosa especie escolla eu crear ou non. Pero raramente se entende así. Menstruamos e veno como algo sucio, enfermizo, unha carga coa que pretendemos chamar a atención. Como se este proceso fose menos natural que respirar. Como se non fose unha ponte entre este universo e o futuro. Como sen non fose un proceso de amor. Traballo. Vida. Desinteresado e sorprendentemente fermoso”. [+info](#)



Participantes na reunión de peche do proxecto Sirep.


A UNIVERSIDADE PARTICIPA NUN PROXECTO QUE CONSEGUE REDUCIR O IMPACTO AMBIENTAL DAS CALDEIRAS DOMÉSTICAS DE BIOMASA

Buscábase un sistema capaz de reducir as emisións contaminantes das caldeiras domésticas de biomasa, reducindo o seu impacto ambiental e os posibles efectos prexudiciais sobre a saúde, e cumpríronse os obxectivos. Esta semana tivo lugar no campus de Vigo a reunión de peche do proxecto de investigación Sirep –Sistema intelixente de retención electrostática de partículas-, un traballo liderado pola empresa viguesa [Dinak](#), punteira no sector das chemineas, e no que participou o [Grupo de Tecnoloxías Enerxéticas](#) da Universidade de Vigo. [+info.](#)



PONTENCIENCIA SUMARÁ POR SEGUNDO ANO AS INVESTIGACIÓNS DO ALUMNADO DE ESO, BACHARELATO E FP

Preto de 350 alumnos e alumnas de Primaria de dez centros educativos de Pontevedra participan neste 2019 na sexta edición de Pontenciencia, un proxecto impulsado pola Concellería de Educación xunto á Universidade de Vigo no que os e as escolares desenvolven unha serie de investigacións que, os días 31 de maio e 1 de xuño, presentarán na Miniferia da Ciencia na Escola de Enxeñaría Forestal. Aberto tamén á participación das familias, este evento contará ademais, por segundo ano, coa participación de estudantes de Secundaria, Bacharelato e Formación Profesional. [+info](#)



CRUE UNIVERSIDADES ESPAÑOLAS, POLA PLENA IGUALDADE DE MULLERES E HOMES

O establecemento do Principio xurídico de Igualdade entre mulleres e homes foi un dos grandes fitos sociais do século XX e a plena consecución dese dereito universal debe ser un dos logros colectivos que agora vexamos culminado. Os avances nese camiño cara a Igualdade efectivo foron o resultado dos esforzos de moitos actores sociais, moi especialmente das universidades. O noso papel é primordial na transmisión de valores para construír unha sociedade cada vez máis tolerante, xusta e igualitaria. Pero a meta non se alcanzou aínda. E xa é tempo de encarar a recta final. [+info.](#)



Por mor da convocatoria electoral, a carreira adiantase un día.

A HAPPYGORUNNING CELEBRARASE NA TARDE DO SÁBADO 27 DE ABRIL

A coincidencia de data de celebración das eleccións xerais do 28 de abril coa carreira HappyGoRunning-Cidade Universitaria supuxo un reto para o Servizo de Benestar, Saúde e Deporte da Universidade de Vigo. A mes e medio da cita, a organización viuse obrigada a suspender temporalmente as inscricións ata acordar unha nova data. Finalmente, a carreira universitaria, inserida no Circuito RunRun Vigo de Carreiras Populares, celebrarase un día antes do previsto, o sábado 27 en horario de tarde. [+info.](#)



Por mor da convocatoria electoral, a carreira adiantase un día.

ESPECIALISTAS DE DIFERENTES PAÍSES LUSÓFONOS PARTICIPARÁN NO CONGRESO DE ESTUDOS INTERNACIONAIS DE GALICIA

Especialistas de Galicia, Portugal, Brasil, Cabo Verde e Timor Leste tomarán parte, os días 27 e 28 de marzo, nos debates que o III Congreso de Estudos Internacionais de Galicia articulará na Facultade de Ciencias Sociais e da Comunicación respecto do papel que a comunidade galega pode xogar no espazo da lusofonía. Organizado pola Área de Ciencia Política e da Administración-Observatorio da Gobernanza G3 da Universidade de Vigo e o Instituto Galego de Estudos Internacionais (Igadi) o congreso porá o foco nun dos “principais bloques internacionais onde Galicia pode ter presenza e oportunidades de retorno”, como salientou o director do Igadi, Daniel González Palau, na presentación do programa deste foro. [+info.](#)



A coordinadora técnica do proxecto, Eva Garea, a vicerreitora María Isabel Doval cos vicerreitores marroquís tras a sinatura do compromiso por escrito..

A UNIVERSIDADE PRESENTA EN MARROCOS OS PRIMEIROS RESULTADOS DO PROXECTO EUROPEO AUDITUM

A vicerreitora de Responsabilidade Social, Internacionalización e Cooperación, María Isabel Doval, e a técnica de proxectos Eva Garea participaron esta semana en Marrocos no primeiro seminario de difusión de resultados do proxecto AuditUM, un traballo liderado pola Universidade de Vigo dirixido a crear servizos de auditoría interna nas universidades marroquís, algo do que carecen na actualidade. [+info.](#)



Xosé Mahou durante a lectura do manifesto do Día do Voluntariado.

BOLSAS PIONEIRAS PARA FORMAR ALUMNADO EN RESPONSABILIDADE SOCIAL UNIVERSITARIA E AXENDA 2030

Ao longo de 10 horas á semana, durante tres meses, dous estudantes da Universidade de Vigo formaranse en responsabilidade social universitaria e na Axenda 2030, nunha iniciativa pioneira que lles permitirá coñecer como a institución académica xestiona o seu compromiso social coa súa contorna e rende contas á sociedade. Estes son os obxectivos da convocatoria de [Bolsas de formación en Responsabilidade Social Universitaria \(RSU\) e Axenda 2030](#) da Universidade de Vigo, “unha institución pioneira á hora de vincular Responsabilidade Social Universitaria cos 17 Obxectivos de Desenvolvemento Sostible da Axenda 2030”, explica Xosé Mahou, director da Área de Responsabilidade Social e Cooperación da Universidade. [+info.](#)



DE COMO O MEDO PODE CONDICIONAR A VIDA DAS PERSOAS

A Mostra Internacional de Teatro Universitario (Miteu) supera a barreira dos vinte anos achegando á Universidade de Vigo propostas teatrais innovadoras. Nesta vixésimo primeira edición representaranse 6 pezas no Teatro Vidal Bolaño entre os meses de marzo e abril. A inauguración desta nova edición tivo lugar na tarde deste mércores coa representación de “A muller que tiña medo e marchou vivir ao Carrefour”, última produción da Aula de Teatro da USC estreada o pasado 3 de decembro no Teatro Principal de Santiago de Compostela. Durante os seus 47 minutos de duración, a peza propuxo unha reflexión de como o medo pode condicionar a vida. [+info.](#)



Asistentes ao curso impartido por Iván Area.

ESTUDANTES DO ANAND-INTERNATIONAL COLLEGE OF ENGINEERING ABRIRÁN UNHA NOVA ETAPA NA RELACIÓN DA UNIVERSIDADE CON INDIA

300.000 enxeñeiras e enxeñeiros e 150.000 profesionais das novas tecnoloxías gradúanse cada ano nas universidades da India, “un país emerxente, de grande dinamismo, no que hai 300 millóns de persoas de clase media e moitas familias desexosas de enviar aos seus fillos e fillas a estudar a Europa. Non se pode non estar na India”, asegura Maribel Doval, vicerreitora de Responsabilidade Social, Internacionalización e Cooperación da Universidade de Vigo. [+info.](#)



Participantes de Lapassion en Montevideo.
Foto: Lapassión.

ALUMNADO DO CAMPUS TRABALLA EN URUGUAI E BRASIL EN PROXECTOS QUE BUSCAN MELLORAS PARA A COMUNIDADE

Divididos en diferentes equipos, estudantes de diferentes titulacións e países traballarán conxuntamente durante dez semanas no desenvolvemento de proxectos interdisciplinares dirixidos a promover melloras para a comunidade. Este é o obxectivo central das estadias que neste mes de marzo se poñen en marcha en Brasil e Uruguai ao abeiro do proxecto europeo Lapassion (*Latin America Practices and Soft Skills for an Innovation Oriented Network*), unha iniciativa financiada polo programa comunitario Erasmus+ na que participan 15 institucións europeas e latinoamericanas, entre as que figura, a través do Campus Crea, a Universidade de Vigo. [+info.](#)



Imaxe dunha edición anterior.

PARA SUPERAR AS BARREIRAS DE IDADE E CAPACIDADES, VOLVEN AS XORNADAS INTERXERACIONAIS

O día 11 de abril celebrarase en diversos espazos da cidade e do campus de Ourense as [XVI Xornadas Interxeracionais](#). Arredor de 150 persoas con idades e capacidades diversas daranse cita nunha actividade que pretende, a través do xogo, rachar as barreiras que socialmente separan ás persoas segundo a súa idade ou capacidades. Na organización da actividade traballan desde principios deste curso académico 70 alumnas e alumnos de primeiro e segundo curso do Grao en Educación Social da Facultade de Ciencias da Educación, co apoio do centro, da Vicerreitoría do Campus de Ourense e de Ategal, a Asociación Cultural Galega de Formación Permanente de Adultos. [+info.](#)



A mostra ocupa diversos espazos do centro.

19 FOTOGRAFÍAS QUE RACHAN OS MOLDES ARREDOR DO XÉNERO

Despois de estar nos campus de Vigo e Pontevedra, a exposición *Sen Moldes II* exponse desde este mércores na Biblioteca Rosalía de Castro do campus de Ourense, onde pecha o seu percorrido pola Universidade de Vigo. Trátase de 19 fotografías ou series fotográficas feitas por alumnado da Facultade de Belas Artes de Pontevedra que pretenden promover unha reflexión, a través da imaxe, sobre os roles de xénero, a violencia machista e a orde sexual imposta. [+info.](#)



Doce especialistas de diferentes países participan nun simposio na Vicerreitoría do Campus.

UN FORO INTERNACIONAL SITÚA PONTEVEDRA NO MAPA DOS ESTUDOS SOBRE ANIMACIÓN XAPONESA

Aínda que constitúe unha das principais manifestacións culturais de Xapón, en España “non hai unha traxectoria de estudos sobre *anime*”, a animación xaponesa, unha industria cultural cuxos produtos son consumidos en todo o mundo, explica José Andrés Santiago, investigador do grupo dx5 da Facultade de Belas Artes e director do V Foro Internacional de Creación na Fronteira, que este xoves e venres reúne en Pontevedra a especialistas neste eido chegados de universidades de Xapón, Suecia, Reino Unido, Hungría e Turquía. Baixo o título de *Anime. Unha perspectiva transdisciplinar*. [+info.](#)

6

MEDIA DUCIA DE VOCES CONTRA A VIOLENCIA SEXUAL SOBRE A MULLER

Prostitución, pornografía e micromachismos son tres expresións dunha mesma realidade: a violencia sexual contra as mulleres, un feito que a xustiza, os medios de comunicación e as redes sociais, mesmo poden contribuír a fomentar, en lugar de poñerlle fin e denuncialo. A través dos testemuños de media ducia de mulleres as e os asistentes á *Xornada de prevención e sensibilización sobre violencia sexual na mocidade*, que se celebrará o vindeiro martes 26 de marzo na Facultade de Filoloxía e Tradución, achegaranse a diferentes expresión da agresión sexual contra as mulleres, que impregnan desde a vida cotiá, ao ámbito comercial, pasando polos medios de comunicación e a xustiza. [+info.](#)



RIGOR, HUMOR, PAIXÓN E CREATIVIDADE PARA CONVERSAR SOBRE O CAMBIO CLIMÁTICO

Co obxectivo de analizar, con carácter divulgativo e desde un punto de vista científico, as causas, efectos e implicacións do quentamento global e o cambio climático, a Unidade de Cultura Científica da Universidade de Vigo pon en marcha desde este martes 26 de marzo o ciclo *Conversas sobre o Cambio Climático*, “un foro para intercambiar información en liña co Obxectivo de Desenvolvemento Sostible (ODS) 13: *Acción polo clima*, entre expertos, organizacións e institucións maioritariamente do sur de Galicia. [+info.](#)





A FFT acolleu a xornada da prevención e sensibilización sobre violencia sexual na mocidade.

TRATA, ACOSO, MUTILACIÓN XENITAL, MATRIMONIO FORZOSO: A VIOLENCIA SEXUAL TEN ROSTRO DE MULLER

“Estade alerta e mantede a loita”. Con esta mensaxe rematou a intervención de Pilar Martín Nájera, fiscal de sala delegada contra a Violencia sobre la Mujer de la Fiscalía General del Estado, que esta mañá abriu a *Xornada de prevención e sensibilización sobre violencia sexual na mocidade*, celebrada na salón de actos da Facultade de Filoloxía e Tradución. Organizada pola Secretaría Xeral de Igualdade da Xunta de Galicia en colaboración coas unidades de igualdade das tres universidades galegas. [+info.](#)



Gerhard Feldmeier, María Isabel Doval, Andrea Estévez, Elena Rivo e Elena de Prada.

O DOBRE GRAO EN ADE POLAS UNIVERSIDADES DE VIGO E BREMERHAVEN XA TEN A SÚA PRIMEIRA EGRESADA

Este martes arrancou na Facultade de Ciencias Empresariais e Turismo do campus de Ourense a celebración da súa [IX International Week 2019](#), cita que permite a alumnado e profesorado do centro compartir unha semana de actividades formativas e lúdicas con profesorado procedente de diversas universidades europeas e suramericanas e alumnado da Universidade de Bremerhaven, de Alemaña. Na primeira xornada de actividade Andrea Estévez recibiu o seu certificado como primeira alumna que acada o título do dobre grao en Administración e Dirección de Empresas pola Universidade de Vigo e pola Universidade de Bremerhaven, unha iniciativa xurdida no marco desta semana internacional. [+info.](#)



Foto da presentación da campaña, con representantes de AQA Ourense, Escualos e a Asociación Española contra o Cancro.

BRAZADAS PARA RECADAR FONDOS CONTRA O CANCRO INFANTIL

O Club Natación Escualos Campus da Auga está a celebrar a súa semana solidaria. Ata o domingo desenvolve unha serie de actividades na piscina universitaria AQA Ourense para recadar fondos a favor da Asociación Española contra o Cancro. O diñeiro recadado, indican desde o club, destinarase á investigación contra o cancro infantil e a dar a apoio ás familias ourensás con nenos e nenas que sofren esta enfermidade. [+info.](#)



Un intre da xuntanza celebrada na Facultade de Ciencias Económicas e Empresariais.

O CAMPUS ACOLLE A REUNIÓN DOS PRINCIPAIS AXENTES DO PROXECTO DE INNOVACIÓN EN SAÚDE CÓDIGO MÁIS

A Facultade de Ciencias Económicas e Empresariais acolleu a reunión dos principais axentes do proxecto de innovación en saúde Código Máis, un traballo financiado con 2.288.893,27 euros dentro da primeira convocatoria do Programa de Cooperación Transfronteiriza Interreg V-A España-Portugal (Poctep) 2014-2020. Posto en marcha en xuño de 2017 e con finalización prevista para o vindeiro mes de decembro, o obxectivo deste traballo é impulsar a creación dun ecosistema transfronteirizo innovador no sistema de saúde que permita integrar aos principais actores públicos e privados, fomentar as capacidades e oportunidades de valorización do coñecemento e estimular o funcionamento dun polo de competitividade de excelencia relacionado co sector da saúde. [+info.](#)

8



A facultade de Ciencias Sociais e da Comunicación acolle o III Congreso de Estudos Internacionais da Galicia..

UN CONGRESO ANALIZA O PAPEL DE GALICIA NUNHA COMUNIDADE DE 260 MILLÓNS DE PERSOAS

Máis de 260 millóns de persoas, o 3,8 da poboación mundial, teñen no portugués a súa lingua materna ou oficial, cifra que prevese que poida alcanzar os 355 millóns en 2050. Analizar o papel que Galicia pode xogar no espazo da lusofonía é o propósito central do III Congreso de Estudos Internacionais de Galicia, que a Área de Ciencia Política e da Administración-Observatorio da Gobernanza G3 da Universidade de Vigo promove xunto co Instituto Galego de Análise e Documentación Internacional (Igadi). [+info.](#)



FISIOTERAPIA ORGANIZA UNHA CARREIRA SOLIDARIA PARA RECADAR FONDOS PARA AMENCER-ASPACE

Promover á práctica de actividade física e, ao mesmo tempo, contribuír ao labor que a asociación Amencer-Aspace desenvolve con persoas con parálise cerebral, son os dous obxectivos que conflúen na Carreira Solidaria de Fisioterapia 2019, que a iniciativa do alumnado do centro, a facultade promove coa colaboración do Servizo Municipal de Deportes o vindeiro xoves 4. [+info.](#)

Marzo 2019.



Foto de familia dos e das participantes na
asamblea, xunto co vicerreitor do campus.

ESTUDANTES DE 30 UNIVERSIDADES DEBATEN NO CAMPUS SOBRE O FUTURO DE CC DA ACTIVIDADE FÍSICA E DO DEPORTE

66 representantes do alumnado que cursa o grao en Ciencias da Actividade Física e do Deporte en 30 universidades españolas participan en Pontevedra na XVIII asemblea xeral ordinaria da [Anecafyde \(Asamblea Nacional de Estudiantes de Ciencias de la Actividad Física y del Deporte\)](#), un encontro dirixido a debater sobre o presente e futuro desta titulación e dos seus alumnos e alumnas. Da man da Delegación de Estudiantes da Facultade de Ciencias da Educación e do Deporte, a asemblea desenvólvese entre este xoves e este domingo no campus pontevedrés e faino ademais cunha das súas participacións máis elevadas desde a constitución da Anecafyde en 2010, xa que neste encontro están presentes 30 das 39 universidades que forman parte deste colectivo de representación estudantil. [+info.](#)

UNIVERSIDADE DE VIGO

Unidade de Análisis e Programas.

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640